

# O le Taua a luta ma le Fasiga Tele i Mountain Meadows

## O le Faatupulaia o Feteenaiga na Taitai

### Atu ai i le Taua a luta

E tolu tausaga talu ona taunuu paionia o le Au Paia mua-mua i le Vanu o Sate Leki, ae faatulaga e le malo o le Lunaite Setete le Teritori o luta ma tofia Polika laga o le kovana mua-mua o le teritori. I le ogatotonu o le 1857, na faalogo ai taitai o le Au Paia o Aso e Gata Ai i tala feaveai faapea atonu o le a suia e le malo o setete tuufaatasi Polika laga i se kovana fou o le Teritori o luta, lea o le a lagolagoina e se vaega tele o autau a le malo. Ia Iulai 24, 1857, na faatasi ai Peresitene Polika laga ma se vaega o le Au Paia i le faailogaina o le 10 tausaga o lo latou taunuu i le Vanu o Sate Leki ae ona ia mauaina loa se faamautinoaga o tala fou muamua faapea o se autau ua agai mai i le Aai o Sate Leki.

I tausaga ua mavae, o feeseeseaiga ma feteenaiga na taunuu ai i le faatupulaia o le va o le Au Paia o Aso e Gata Ai ma taitai o le malo o le Lunaite Setete. Na mananao le Au Paia ia taitaia i latou e taitai o la latou lava filifiliga ma na teena tagata na tofofi mai e setete tuufaatasi o e na ese o latou tulaga faatulagaina, o nisi o i latou na le faamaoni, piopio, ma amio leaga. O nisi o taitai o setete na talitonu o faatinoga a le Au Paia o lona uiga ua tetee i latou i le malo o le Lunaite Setete.

Na auina mai e le Peresitene o le Lunaite Setete o James Buchanan le autau e toa 2,500 i le Aai o Sate Leki e faafeao mai le kovana fou ma le saogalemu i luta ma aveese le mea na ia manatu o se feteenaiga i totonu o le Au Paia. O leni filifiliga na faia e aunoa ma se faamatalaga sao e uiga i le tulaga i totonu o luta (tagai i le *Church History in the Fulness of Times Student Manual*, lom. 2 [Tusi lesona a le Church Educational System, 2003], 368–71).

### Saunia e Puipui le Teritori

I lauga i le Au Paia, na faamatala e Peresitene laga ma isi taitai o le Ekalesia ia autau ua o mai o ni fili. Na latou fefefe nei tuliaese le Au Paia mai luta, e pei ona tulieseina ai i latou muamua mai Ohaio, Misuri, ma Illinois. O Polika laga, lea na aoaoina le Au Paia ia teuina le saito, na faafouina ana faatonuga ina ia latou maua meaai e ai pe a manaomia lo latou sosola ese mai autau. I le aveai ai ma kovana o le Teritori o luta, na ia taitaia foi le autau a le teritori e saunia e puipui le teritori.

### Feteenaiga ma le Solo a Taavale Solofanua na Malaga mai

Sa ulufale mai i luta se malaga a se solo o taavale solofanua mai sisifo agai i Kalefonia i le taimi tonu lava ua saunia ai le Au Paia o Aso e Gata Ai e puipuia le teritori agai i autau o loo o mai a le Lunaite Setete. O nisi o tagata o le solo o taavale solofanua na le fiafia ona sa faigata le faatauina mai o saito na matuai manaomia lava mai le Au Paia, ia na faatonuina e faasaoina la latou saito. O tagata malaga na feteenai foi ma le Au Paia o e na le mananao i le solo a taavale solofanua ma le

tele o a latou solofanua ma povi e faaoga meaai ma punaao o vai na manaomia e le Au Paia mo a latou lava manu.

Na tulai mai se feteenaiga i Cedar City, o le nofoaga mulimuli lea na nofoia i luta i le ala i Kalefonia. O fefinuaiga na tupu i le va o nisi o tagata o le solo a taavale solofanua ma nisi o le Au Paia o Aso e Gata Ai. O nisi tagata o le solo a taavale solofanua na taufaamatau mai o le a latou auai atu i autau a le malo e faasagatau i le Au Paia. E ui lava na otegia e le kapeteni o le solo taavale solofanua ona tagata mo le faia o nei taufaamatau, na vaai lava nisi taitai ma tagata o Cedar City i tagata malaga o ni fili. Na tuua e le solo taavale solofanua le taulaga i se itula talu ona taunuu, ae o nisi o tagata ma taitai i Cedar City na mananao e tuliloaina ma faasalaina alii na faatiga ia i latou.

### Faanatinatiina le Feteenaiga

Ona o nei Au Paia e lei foiaina la latou feteenaiga ma tagata malaga i le ala a le Alii, na iu ina matautia le tulaga na oo i ai. O Isaac Haight, le pulenuu o Cedar City, le taitai o le autau, ma le peresitene o le siteki, na talosaga mai mo le faatagaga mai le taitai au a le militeri, na nofo i le nuu e lata ane o Parowan, e valaau i le militeri e faafetaiai le fili mai le solo taavale solofanua. Na fautuaina e le taitai militeri, o William Dame, o se tagata o le Ekalesia, ia Isaac Haight e aua le amanaiaina taufaamatau a tagata malaga. Nai lo le taliaina o leni fautuaga, na filifili Isaac Haight ma isi taitai o Cedar City e faaoso ni Initia o le lotoifale e osofai le solo a taavale solofanua ma gaioi a latou povi o se auala e faasala ai le au malaga. Na fai atu Isaac Haight ia John D. Lee, o se tagata o le Ekalesia ma le taitai autu o le militeri, e taitai leni osofaiga, ma na fuafua le toalua lea e tuuaia Initia mo le gaoioiga.

### Osofaiga i Tagata Malaga

Na tuuina atu e Isaac Haight le fuafuaga e osofai le solo a taavale solofanua i se fonu a taitai o le lotoifale i le Ekalesia, alalafaga ma le militeri. Na matuai le ioeina lava e sui o le fonu le fuafuaga ma fesili atu ia Haight pe na ia fesili atu ia Peresitene Polika laga e uiga i le mataupu. I le fai atu na te lei faia, na ioe Haight e auina atu se avefeau, o James Haslam, i le Aai o Sate Leki ma se tusi e faamatala ai le tulaga ma fesili atu i le mea e tatau ona fai. E ui i lea, ona o le Aai o Sate Leki e 250 lelei lava maila mai Cedar City, o le a manaomia ai se vaiaso o le tietie saosaoa atu i se solofanua mo le avefeau ia taunuu ai i le Aai o Sate Leki ma toe foi mai i Cedar City ma faatonuga mai ia Peresitene laga.

Na vave lava ae lei auina atu e Isaac Haight lana tusi ma le avefeau, na osofai loa e John D. Lee ma se vaega o Initia le toluapiga a le malaga i se nofoaga e taua o Mountain Meadows. Na taitai e Lee le osofaiga ae na ia nanaina ona foliga ina ia faapea e nao Initia lava na aafia. O nisi o tagata malaga na fasiotia pe manunua, ae o e na totoe na tau malos e tutuli ese le au osofai, lea na faamallosia ai Lee ma

Initia e tuumuli ese. Na vave lava ona toso faatasi mai e tagata malaga a latou taavale solofanua i se lio, po o se pa faataamilo, mo le puipuiga. E lua isi osofaiga na mulimuli mai i le lima aso o le poloka i le solo a taavale solofanua.

I se tasi tulaga, na iloa e alii o le militeri a Cedar City ni alii malaga e toalua i fafo o le pa o taavale solofanua. Na tafaga atu e alii o le militeri i laua, ma na fasiotia ai le toatasi. O le isi na sola ma aumaia le tala fou i le tolauapiga a taavale solofanua faapea o alii papae na aafia i osofaiga ia i latou. O e na fuafuaina le osofaiga ua maua nei i la latou taufaasese. Afai e faatagaina le au malaga e faaauau i Kalefonia, o le a faasalalau atu ai le tala fou o le Au Paia o Aso e Gata Ai na mafua ai le osofaiga i le solo a taavale solofanua. Na fefefe le au faufau leaga o lenei tala fou o le a aumaia ni taunuuga leaga ia i latou ma o latou tagata.

### O Le Fasiga Tele i Mountain Meadows

I se taumafaiga e taofia le tala fou mai le faasalalauina atu faapea o le Au Paia o Aso e Gata Ai na aafia i osofaiga i le solo o taavale solofanua, na faia loa e Isaac Haight, John D. Lee, ma isi taitai o le militeri ma le Ekalesia o le lotoifale se fuafuaga e fasiotia uma e o totoe o le aumalaga sei vagana ai tamaiti laiti. I le faatinoina o lenei fuafuaga, na agai atu John D. Lee i le aumalaga ma fai atu o le a puipua i latou e le militeri mai nisi osofaiga i le toe taitaiina atu saogalemu o i latou i Cedar City. Ao savavali atu le aumalaga agai i Cedar City, na liliu atu alii o le militeri ma tafaga i latou. O nisi Initia na aumaia e tagata o le nuu na feosofi mai nofoaga na lalafi ai ma auai i le osofaiga. Mai le 140 lelei lava o tagata malaga o se vaega o le solo a taavale solofanua, e na o le 17 tamaiti laiti na faasaoina.

E lua aso talu ona uma le fasiga tele, ae taunuu mai James Haslam i Cedar City ma le savali o le tali a Peresitene laga, na faatonuina ai taitai o le lotoifale e faataga le solo a taavale solofanua e o ma le filemu. “Ina ua faitau Haight i upu a laga, na ia tagi lotulotu e pei o se tamaitiiti ma na pau upu na ia mafaia, ‘Tuai tele, tuai tele’” (Richard E. Turley Jr., “The Mountain Meadows Massacre,” *Ensign*, Set. 2007, 20).

### Taunuuga Matautia

O le Fasiga Tele i Mountain Meadows na le gata ina faaoo ai le oti i le tusa ma le 120 tagata, ae na oo ai foi le puapuaga i tamaiti na feola ma isi tausoga o e na maliliu. O nisi Au Paia o Aso e Gata Ai na aumaia ma tausia tamaiti o le malaga na feola mai le fasiga tele. I le 1859, na ave ai e taitai o setete nei tamaiti ma faafoi atu i latou i tausoga i Arkansas. Na puapugatia foi Initia Paiute mai le tuuaia mo le solitulafono.

### Ua Iloaina e Taitai o le Ekalesia le Fasiga Tele

“E ui lava na silafia e Polika laga ma isi taitai o le Ekalesia i le Aai i Sate Leki le fasiga tele ina ua faatoa uma ona tupu, o lo latou malamalama i le auai tele o tagatanuu ma faamatagata matautia o le solitulafono na faasolosolo mai lava i le faasologa o le taimi. I le 1859 na latou faamalolo mai o latou valaauaga le peresitene o le siteki o Isaac Haight ma isi taitai autu o le Ekalesia i Cedar City na aafia i le fasiga tele. I le 1870 na latou tapeina ai igoa o Isaac Haight ma John D. Lee mai le Ekalesia.

“I le 1874 na faasalaina aloaia ai e le faamasinoga maua-luga o le teritori alii e toaiva mo lo latou matafaioi i le fasiga tele. O le toetele o i latou na iu ina faafalepuipui, e ui lava na o Lee na faamasinoina, faafalepuipuiina, ma faasalaina i le oti mo le solitulafono. O se isi alii na tuuaia na faaliliu atu faamaoniga a le setete [ma le loto i ai na molimau ma tuuina atu faamaoniga agai i isi na molia], ae o isi na tele tausaga o sosola mai le tulafono. O isi alii o le militeri na faatinoina le fasiga tele na galulue i aso o totoe o o latou olaga i lalo o se lagona o le nofosala ma mititauaafefe faifaiepa o mea na latou faia ma vaaia” (Richard E. Turley Jr., “The Mountain Meadows Massacre,” *Ensign*, Set. 2007, 20).

### 150 Tausaga o le Fasiga Tele i Mountain Meadows

Na saunoa mai Peresitene Henry B. Eyring o le Au Peresitene Sili:

“E fitoitonu mo le [Fasiga Tele i Mountain Meadows] i taitai o le lotoifale o le Ekalesia a Iesu Keriso o le Au Paia o Aso e Gata Ai i nofoaga e latalata i Mountain Meadows o e na umia tofiga i le nuu ma le militeri ma tagata o le Ekalesia na faatinoina i lalo o la latou taitaiga. . . .

“ . . . O le talalelei a Iesu Keriso tatou te lagolagoina, e inoino i le fasiotiga o alii, tamaitai, ma tamaiti e aunoa ma se mafuaaga. E moni lava, na aumaia le filemu ma le faamagaloga. O le mea na faia [i Mountain Meadows] i le tele o tausaga ua mavae e tagata o le Ekalesia na faaalai ai le matautia ma le maalofia o le le ola i aoaoga ma uiga faaKerisiano. . . . E aunoa ma le masalosalo o le Faamasinoga Tonu Mamana o le a tuuina atu le faasalaga i e faasino tonu i ai le fasiga tele. . . .

“ . . . Tau ina ia faamanuia mai i tatou e le Atua o le Lagi, e ana atalii ma afafine o i tatou uma lava, ia faamamaluina i latou na maliliu iinei e ala i le faaali atu o le alofa e le tasi i le isi le alofa mama ma le agaga o le faamagaloga lea na faatinoina e Lona Alo e Toatasi na Fanau” (“150th Anniversary of Mountain Meadows Massacre,” Sept. 11, 2007, [mormonnewsroom.org/article/150th-anniversary-of-mountain-meadows-massacre](http://mormonnewsroom.org/article/150th-anniversary-of-mountain-meadows-massacre)).

